

Morning Dogri (NSD) National News Bulletin 26-01-2025

आकाशवाणी

1. पूरा राष्ट्र अज्ज अपना 76मां गणतंत्र दिवस मना करदा ऐ। नमीं दिल्ली च गणतंत्र दिवस परेड, भारत अपनी सैन्य शक्ति, समृद्ध कला, संस्कृति ते विरासत दा प्रदर्शन करोग।
2. राष्ट्रपति द्रौपदी मुर्मू होरें आखेआ जे “ एक राष्ट्र एक चुनां” योजना शासन च स्थिरता गी बढ़ावा दिंदा ऐ।
3. इस ब'रे दे नदम पुरस्कार लेई 139 विशिष्ट हस्तिएं गी चुनेआ गेआ ऐ।
5. केन्द्र नै एकीकृत पेंशन योजना गी लागू करने दी सूचना दित्ती ऐ।
6. क्रिकेट च भारत नै इंग्लैंड गी दुए टी-20 च 2 विकेटें कन्नै हराइयै 5एं मैचें दी श्रृंखला च 2-0 दी बढ़त हासल कीती ऐ।

<><><><><><>

R.Day

अज्ज पूरा राष्ट्र 76मां गणतंत्र दिवस मना'रदा ऐ। राष्ट्रपति द्रौपदी मुर्मू होर गणतंत्र दिवस दे समारोह च देश दा नेतृत्व करगंन। एह समारोह कर्तव्य पथ, नमीं दिल्ली च होआ'रदा ऐ। गणतंत्र दिवस परेड साढ़े 10 बजे शुरू होग ते 90 मिंट दी अवधि तोड़ी चलोग। गणतंत्र दिवस परेड दी शुरूआत प्रधानमंत्री नरेन्द्र मोदी हुंदे राष्ट्र युद्ध स्मारक पर श्रद्धांजलि भेंट करने कन्ने होग। राष्ट्रपति द्रौपदी मुर्मू होर कर्तव्य पथ पर रस्मी बरसी उप्पर आंगन ते मार्च पास्ट दी सलामी लेंगन। मार्च 1स्ट च सेना बल, नीम फौजी बल, सहायक नागरिक बल, एनसीसी ते एनएसएस शामिल न। इंडोनेशिया दे राष्ट्रपति परेड दे मुख्य परौहने होंगन। बक्ख-बक्ख राज्यें, केन्द्री शासत प्रदेशें ते केन्द्री सरकार दे मंत्रालय ते विभागें तरफा 21 झांकियां पेश कीतियां जांगन। जेह्डी गै स्वर्णिम भारत विरासत ते विकास विशे सार गी पेश करगंन। 47 विमाने तरफा सलामी दित्ते जाने कन्नै कार्यक्रम दी समाप्ति होग।

<><><><><><>

President Massage

राष्ट्रपति द्रौपदी मुर्मू होरें आखेआ ऐ जे संसदच पेश “एक राष्ट्र एक चुनां” विधेयक च सुशासन दी शर्ते गी परतियै परिभाषत कीता गेदा ऐ। राष्ट्रपति होरें आखेआ ऐ जे “एक राष्ट्र एक चुनां” योजना शासन च निरंतरता गी बढ़ावा देई सकदी ऐ। नीति निर्धारण कन्नै जुड़ी निधियता खत्म कीती जाई सकदी ऐ ते संसाधने ते इस्तेमाल ते वित्तीय भार गी घट्ट करी सकदी ऐ। गणतंत्र दिवस उप्पर राष्ट्र गी संबोधत करदे होई उनें आखेआ जे भारतीय दंड संहिता, दंड प्रक्रिया संहिता ते भारतीय साक्ष्य अधिनियम दे थाहर भारतीय न्याय संहिता, भारतीय नागरिकता सुरक्षा संहिता ते भारतीय साक्ष्य अधिनियम गी लागू करने दा फैसला, इनें प्रयासें च सब्बने शा उल्लेखनिय रेआ ऐ। राष्ट्रपति होरें आखेआ जे गणतंत्र दिवस सारे देशवासिएं लेई खुशी ते उत्साह दा दिन ऐ। उनें इस गल्ला उप्पर जोर भरेआ जे न्याय, आजादी, समानता ते भाईचारा म्हेशां भारत दी सम्यता आली विरासत दा हिस्सा रेआ ऐ।

<><><><><><>

PM-Prez.

प्रधानमंत्री नरेन्द्र मोदी होरें गणतंत्र दिवस उप्पर राष्ट्र गी प्ररेणादायक संबोधन लेई राष्ट्रपति द्रौपदी मुर्मू हुंदा धन्नबाद कीता। अपने सोशल मीडिया पोस्ट च उनें आखेआ जे राष्ट्रपति होरें मते सारे विशें उप्पर लोह पाई ते संविधान दी महानता ते राष्ट्री तरक्की दी दिशा च कम्म जारी रखने दी लोड़ पर जोर दित्ता।

<><><><><><>

Gallantry Awards

राष्ट्रपति द्रौपदी मुर्मू होरें 76में गणतंत्र दिवस दे मौके उप्पर 93 सशस्त्र बलें ते केन्द्रीय सशस्त्र बल दे जवानें गी गैलेंटरी पुरस्कार देने दी मंजूरी दित्ती ऐ। जेहदे च 11 मरणोपरांत शामिल न। इंदे च 2 कीर्ति चक्र जेहदे च इक मरणोपरांत 14 शौर्य चक्र जेहदे च 3 मरणोपरांत ते इक बारटू सेना मैडल, 66 सेना मैडल, जिंदे च 7 मरणोपरांत, 2 नाओ सेना मैडल ते 8 वायु सेना मैडल शामिल न। कीर्ति चक्र मेजर मंजीत ते नायक दिलवार खान गी मरणोपरांत दित्ता गेआ ऐ।

<><><><><><>

Padam Awards

राष्ट्रपति द्रौपदी मुर्मू होरें ब'रे 2025 आस्तै 130 पदम पुरस्कार गी मंजूरी दित्ती ऐ। इस सूचि च 7 पदम विभूषण, 19 पदम भूषणते 115 पद्मश्री पुरस्कार शामिल न। इंदे चा 23 पुरस्कार पाने आलियां महिला न ते 10 विदेशी विदेश रवा'रदे भारतीय पीआईओ, ओसीजे श्रेणी थमां शामिल न। 13 पुरस्कार मरणोपरांत दित्ते जा'रदे न।

<><><><><><>

Centre-UPS

केन्द्र नै इकीकृत पेंशन योजना, यूपीएस गी लागू करने दी अधिकारिक तौर पर सूचना दित्ती ऐ जे सरकार नै पिछले ब'रे अगस्त महीने इकजुट पेंशन योजना शुरू कीती ऐ। जेहड़ी केन्द्र सरकार दे कर्मचारिएं लेई राष्ट्र पेंशन प्रणाली दे तैहत इक विकल्प दे तौरा पर ऐ। एह योजना इस ब'रे 1 अप्रैल थमां लागू होग। कल जारी कीते गेदे सूचना च एह आखेआ गेआ ऐ जे यूपीएस केन्द्र सरकार दे उनें कर्मचारिएं उप्पर लागू होग जेहड़े राष्ट्र पेंशन प्रणाली दे तैहत कवर कीते गेदे न ते जिने एनपीएस दे तैहत एह विकल्प चुने दा ऐ।

<><><><><><>

Delhi Metro

गणतंत्र दिवस समारोह दा साक्षी बनने लेई लोकें गी कर्तव्य पथ उप्पर पुज्जने च सौख्य देने लेई दिल्ली मेट्रो नै अज्ज बडलै 3 बजे सब्बने लाइने उप्पर अपनी सेवा शुरू कीती ऐ। दिल्ली मेट्रो मूजब मेट्रो बडलै 6 बजे तोड़ी 30 मिंटे दे वक्फे उप्पर चलगंन, जेहदे बाद दिन भरे लेई नियमित समें सीमा दा पालन कीता जाग। दिल्ली मेट्रो नै यात्रिएं गी इस्सै स्हाबै कन्नै अपनीयात्रा दी योजना बनाने ते खीरी समें च कुसै बी चाल्ली दी असुविधा थमां बचने लेई शुयआती मेट्रो सेवाएं दा इस्तेमाल करने लेई प्रोत्साहित कीता ऐ।

<><><><><><>

Cricket

एम.ए.चिंदबरम स्टेडियम च मर्दे दे क्रिकेट च चेन्नई च कल रातीं होए दे दुए टी-20 क्रिकेट मैच भारत नै इंग्लैंड गी 2 विकटें कन्नै हराई दित्ता। भारत नै 19.2 ओवरें च एह लक्ष्य हासल करी लैता ऐ।